

RIEHTIMINISTERIÖ TIEDEET

19.11.2018

Keerriviehtiviärmádâh udâsmuvá puáttee ive aalgâst

Keerrivievtij ráhtusuđâsmitem puátá vuáimán puáttee ive aalgâst. Udâsmitem maŋa keerrivievtih láá 20. Udâsmitmáin halijdeh visásmittiđ keerrivievtij toimâмнаавсâid meiddei puátteevuodâst.

Udâsmitmist ovtâstuveh Espoo já Viestâr-Uusimaa keerrivievtih, Koskâ-Pohjanmaa já Pohjanmaa keerrivievtih, Oulu já Ylivieska-Raahe keerrivievtih sehe Kiemâ-Tuárnus já Laapi keerrivievtih. Lasseen ovtâstuveh Nuorttâ-Uusimaa, Tuusula já Vantaa keerrivievtih já uási Hyvinkää keerrivievti tuámupirrâduvâst sehe Kanta-Häme keerriviehti já uási Hyvinkää keerrivievti tuámupirrâduvâst.

Puáttee ive aalgâst keerrivievtih láá te Espoost, Helsigist, Hämeenlinnast, Joensuust, Jyväskyläst, Kajaanist, Kouvolast, Kuopioast, Lahtist, Lappeenrantast, Maarianhaminast, Mikkelist, Oulust, Porist, Ruávinjaargâst, Seinäjokist, Tamperest, Tuurkust, Vaasast já Vantaast.

Keerrivievtij toimâsajeh láá puátteevuodâst 36 päikkikoddeest. Keerrivievtij 20 haldâttâhlâš kanslia lasseen sierânâs kansliah láá Hyvinkääst, Kiemâst, Kokkolast já Ylivieskast. Sierânâs čuákkimsajeh láá lasseen Anarist (Avveel), Kauhavast, Kittâlist, Kuáccámist, Nurmesist, Porvoost, Raaseporist, Raumast, Salost, Savonlinnast, Suáđikylâst já Ucjuvâst.

Keerriviehtiviärmáduv nubástume vaagut meiddei hoviriehtipirrâduvváid já toos, kode hovirievtist occoo nubástus keerrivievti miärádâsân. Puátteevuodâst Hyvinkää keerrivievti tavekielâh, Hausjärvi, Loppi já Riihimäki, sirdâšuveh Helsig hoviriehtipirrâduvâst Turku hoviriehtipirrâdâhân. Táálâš Viestâr-Uusimaa keerrivievti tuámupirrâdâh pelestis sirdâšuvá Turku hovirievti tuámupirrâduvâst Helsig hovirievti tuámupirrâdâhân.

Ive 2019 aalgâst meiddei tiätu keerrivievtijd kiedâvuššâmnáál kuávdásmittum äššijuávhui tuámupirrâdâhjuáhun puátih nubástusah. Taat kuáská merâriehti-, juávkkuuoddâlem-, olgospeerrâmvidim-, irättâssaneerim- já suáldâtriehtijotteemaašijd.

Lasseen čohčâmáánu 2019 räajjist summaarlâš rijdoaašij kiedâvuššâm kuávdásmittoo Ahvenanmaa, Helsig, Nuorttâ-Uusimaa, Kymenlaakso, Laapi, Oulu, Pirkanmaa, Pohjanmaa já Varsinais-Suomi keerrivievtijd. Summaarliih láá ovdâmerkkân tagareh rijdottes viälgumääših, maid keerriviehti čuávdá kirjálâš monâttâlmáin.

Udâsmitten ulmen lii nonniđ keerriviehtiviärmáduv ráhtus nuuvt, ete riehtitorvo finnimvuodâ já lahâkevtim kvaliteet puáhtá turviđ puátteevuodâst-uv. Tääl toohâmnáál nubástusâiguin láá viggâm rähtiđ pehtilis já eennâmkuávlulávt tuárvi luávdee toimâsajeviärmáduv, mast keerrivievtij pargomere sehe resursijd puáhtá jyehiđ tááláá pehtilubboht já täsivubboht.

Keerrivievti 2019 rääjist

KEERRIVIEHTI	KANSLIA	ČUÁKKIMSAJE
Ahvenanmaa keerriviehti	Maarianhamina	Maarianhamina
Maadâ-Karjala keerriviehti	Lappeenranta	Lappeenranta
Maadâ-Pohjanmaa keerriviehti	Seinäjoki	Kauhava Seinäjoki
Maadâ-Savo keerriviehti	Mikkeli	Mikkeli Savonlinna
Helsing keerriviehti	Heelsing	Heelsing
Nuortâ-Uusimaa keerriviehti	Vantaa Hyvinkää	Hyvinkää Porvoo Vantaa
Kainuu keerriviehti	Kajaani	Kajaani
Kanta-Häme keerriviehti	Hämeenlinna	Hämeenlinna
Koskâ-Suomâ keerriviehti	Jyväskylä	Jyväskylä
Kymenlaakso keerriviehti	Kouvola	Kouvola
Laapi keerriviehti	Ruávinjaargâ Kiemâ	Aanaar (Avveel) Kiemâ Kittâl Ruávinjaargâ Suáđikylá Ucjuuhâ
Viestâr-Uusimaa keerriviehti	Espoo	Espoo Raasepori
Oulu keerriviehti	Oulu Ylivieska	Kuáccám Oulu Ylivieska
Pirkanmaa keerriviehti	Tampere	Tampere
Pohjanmaa keerriviehti	Vaasa Kokkola	Kokkola Vaasa
Tave-Karjala keerriviehti	Joensuu	Joensuu Nurmes
Tave-Savo keerriviehti	Kuopio	Kuopio
Päijät-Häme keerriviehti	Lahti	Lahti
Satakunta keerriviehti	Pori	Pori Rauma
Varsinais-Suomi keerriviehti	Turku	Salo Turku

Lasetiäduh:

proojeekthovdâ Jyrki Määttä, puh. 02956 49743, ovdânommâ.suhânommâ@om.fi

Lasetiäduh [ráhtusuđâsmitmist](#) já [tiätu äššijuávhui kuávdásmitmist](#)

[Keerrivievti tuámupirrâduvah](#)